

U skladu sa članom 17. Zakona o igrama na sreću FBiH („Službene novine FBiH“, br. 48/15 i 60/15), članom 7 Pravilnika o sadržaju pravila, uslovima i načinu priređivanja nagradnih igara („Službene novine FBiH“, br. 30/16, 63/19 i 92/20) i društvo „Xella BH“ d.o.o. Tuzla dana 26.04.2021. utvrđuje sljedeća:

PRAVILA NAGRADNE IGRE „KOJI HEROJ SI TI?“

Član 1.

Priređivač Nagradne igre

Priređivač nagradne igre je društvo „Xella BH“ d.o.o. sa sjedištem u Tuzli, ul. Nikole Tesle br. 3 (u daljem tekstu „Xella BH“), JIB: 4209869050009.

Član 2.

Svrha i naziv Nagradne igre

Svrha Nagradne igre je promocija Ytong proizvoda i usluga za društvo „Xella BH“.

Nagradna igra provodit će se pod krovnim nazivom „Koji heroj si ti?“ (u daljem tekstu „Nagradna igra“), a tematski nazivi će se dodavati za svako kolo tokom godine.

Član 3.

Vrijeme odvijanja Nagradne igre

Nagradna igra započinje 05.05.2021. godine i trajeće do 31.12.2021. godine.

Nagradna igra će se sastojati od četiri ciklusa (kola) i biće raspoređena u sljedećim mjesecima: maj, juli, oktobar i decembar. Posljednje kolo će biti održano najkasnije do dana završetka nagradne igre u skladu sa diskrecionom odlukom „Xella BH“.

Član 4.

Teritorija odvijanja Nagradne igre

Nagradna igra organizuje se na teritoriji Bosne i Hercegovine, i to putem stranica društvenih mreža Facebook i Instagram Ytong BiH.

Član 5.

Pravo učešća u Nagradnoj igri

Pravo učešća u nagradnoj igri imaju sva punoljetna fizička lica koja su državljani Bosne i Hercegovine, koja imaju prebivalište u Bosni i Hercegovini, a koja uzmu učešće u nagradnoj igri na društvenim mrežama „Xella BH“.

Član 6.

Opis Nagradne igre

Svaki od ciklusa nagradne igre (takmičenja) će se organizovati na sljedećim digitalnim servisima:

- Online platforma putem koje korisnici ostavljaju podatke
- Facebook news feed uz promovisane objave
- Instagram feed i Instagram story uz promovisane objave
- Web baneri, Google Ads, zakup na web portalima

Nagradna igra će se provoditi u obliku svojevrsnog takmičenja na način da će posjetioci imati mogućnost odgovarati na nagradno pitanje unutar online aplikacije do koje ih vodi objava na news feedu Facebook stranice i/ili Instagram profila, i/ili putem linka sa web banera, i/ili linka putem Google oglasa ili web portala.

Za učešće u nagradnoj igri, pored odgovaranja na nagradno pitanje, posjetioci će ostaviti i svoje podatke unutar online obrasca i to:

- ime i prezime
- e-mail adresu
- broj telefona
- grad prebivališta

Učesnici su dužni da prilikom unosa svojih podataka navedu tačne podatke, a u suprotnom nemaju pravo učešća u nagradnoj igri.

- Svi učesnici moraju se prethodno upoznati sa Pravilima nagradne igre i
- Politikom privatnosti (<https://www.ytong.ba/politika-privatnosti.php>)

koji će biti u svakom momentu istaknuta unutar online aplikacije, te moraju svoju saglasnost potvrditi klikom na naznačena polja „Saglasan/na sam“ koja su obavezna za dalje učešće.

Član 7. Nagradni fond (sa PDV-om)

Ukupan nagradni fond iznosi 3.362,00 KM (slovima: trihiljadetrístotínešezdesetdvíje konvertibilne marke).

Član 8. Raspodjela nagradnog fonda

Ukupni nagradni fond naveden u članu 8. raspodijelit će se kako slijedi:

1. Prvi ciklus nagradne igre – vrijednost nagradnog fonda je 800,00 KM:
1x sobni bicikl Diadora Lotus u vrijednosti od 550,00 KM,
5x poklon kartice drugih kompanija po jediničnoj cijeni od 50,00 KM = 250,00 KM.
2. Drugi ciklus nagradne igre – vrijednost nagradnog fonda je 1.068,00 KM:
1x Xiaomi električni romobil Essential crni u vrijednosti od 649,00 KM,
1x Samsung Galaxy TAB A 8" T290 tablet u vrijednosti od 319,00 KM,
2x poklon kartice drugih kompanija po jediničnoj cijeni od 50,00 KM = 100,00 KM.

3. Treći ciklus nagradne igre – vrijednost nagradnog fonda je 800,00 KM:
1x poklon bon eKupi.ba u vrijednosti od 500,00 KM,
3x poklon bon eKupi.ba u vrijednosti od 100,00 KM = 300,00 KM.
4. Četvrti ciklus nagradne igre – vrijednost nagradnog fonda je 694,00 KM:
1x Samsung TV 43" LED / 4K Ultra HD u vrijednosti od 659,00 KM,
1x SONY slušalice MDRXD150 u vrijednosti od 35,00 KM.

Član 9. Uslovi učestvovanja u Nagradnoj igri

Za učestvovanje u Nagradnoj igri je potrebno da učesnici ispunjavaju uslove iz člana 5. te provedu aktivnosti koje su predviđene nagradnim igrama predviđene članom 6.

Član 10. Izuzeci učešća u Nagradnoj igri

Zaposlenici „Xella BH“, kao i članovi njihove uže porodice nemaju pravo učešća u Nagradnoj igri.

Pod članovima uže porodice u smislu prethodnog stava smatraju se roditelji, bračni odnosno vanbračni supružnik, njihovi roditelji, djeca, braća i sestre i njihova djeca.

Član 11. Objava pravila Nagradne igre

Odobrena Pravila će prije početka nagradne igre biti objavljena na službenoj stranici „Xella BH“ www.ytong.ba kao i u printanom mediju (dnevnom novinama) koji se distribuira na području Federacije Bosne i Hercegovine.

Član 12. Datum objavljivanja pravila Nagradne igre

Datum objavljivanja uslovljen je datumom dobijanja odobrenja za organizovanje Nagradne igre od strane nadležnih organa.

Član 13. Izvlačenje dobitnika

Izvlačenje dobitnika „Koji heroj si ti?“ vršiće se u pojedinačnim nagradnim ciklusima, sljedeći dan nakon završetka svakog od ciklusa u prostorijama Priređivača.

Dobitnika biramo na osnovu sljedećih kriterija:

1. prvi kriterij je da su svi podaci tačno ispunjeni;
2. drugi kriterij je da su učesnici odgovorili tačno na pitanja;
3. treći kriterij je brzina odgovora – odnosno na osnovu tog kriterija određujemo ko će osvojiti glavnu nagradu, a ko sporedne nagrade;
4. četvrti kriterij je biranje putem random aplikacije ukoliko se u nagradnom ciklusu ne određuje dobitnik prema brzini odgovora.

U prvom ciklusu, takmičari će imati zadatak da odgovore na pitanja u što kraćem roku, pa ćemo na osnovu toga pratiti kriterije iznad koje smo naveli i odrediti ko će biti dobitnik glavne, a ko sporednih nagrada. Učesnik koji tačno ispuni svoje kontakt podatke, najbrže i tačno odgovori na sva pitanja – osvaja glavnu nagradu, a sljedeći učesnik iza njega sporednu nagradu.

U drugom ciklusu, takmičari će uraditi test ličnosti, odgovoriti na maksimalno 10 pitanja kako bi saznali koji heroj ih najbolje opisuje. Svaki učesnik koji tačno ispuni svoje kontakt podatke i ispravno uradi test, ući će u izbor za dobitnika putem random aplikacije.

U trećem krugu, realizovat ćemo kviz za majstore i učesnik koji tačno popuni kontakt formu, najbrže i tačno odgovori na pitanja, osvaja glavnu nagradu, a sljedeći igrač nakon njega osvaja sporednu nagradu.

U četvrtom ciklusu, takmičari će na aplikaciji tražiti skrivene pojmove. Onaj učesnik koji tačno ispuni kontakt podatke, najbrže i tačno završi igricu, osvaja glavnu nagradu, a sljedeći igrač nakon njega osvaja sporednu nagradu.

Prilikom izvlačenja dobitnika vršiće se izvlačenje i zamjenskog, odnosno narednog dobitnika u skladu sa načinima izvlačenja iz ovog člana, a kojem će biti dodijeljena nagrada u skladu sa članom 17. ovih pravila u slučaju da jedan od dobitnika ne preuzme nagradu.

Član 14. Komisija za izvlačenje dobitnika

Nagradna izvlačenja će biti realizirana u prisustvu komisije koja će provjeravati ispravnost izvlačenja, a koja će se sastojati od 3 člana iz reda zaposlenih u „Xella BH“.

Član 15. Zapisnik izvlačenja dobitnika

Tokom svakog izvlačenja dobitnika nagrade sačinjit će se Zapisnik koji će sadržavati:

- a) mjesto, vrijeme i način izvlačenja dobitnika,
- b) broj i datum odobrenja nadležnog organa,
- c) datum i naziv medija u kojem su pravila nagradne igre objavljena,
- d) imena i prezimena članova komisije,
- e) imena, prezimena i adrese dobitnika,
- f) imena, prezimena i adrese zamjenskog, odnosno narednog dobitnika,
- g) podatke o načinu na koji je izvršeno izvlačenje dobitnika
- h) naziv i vrijednost nagrade pojedinog dobitnika.

Član 16.

Objava imena dobitnika i preuzimanje nagrada

Rezultati Nagradne igre bit će objavljeni na online servisima „Xella BH“ na kojima se organizuje Nagradna igra.

Dobitnici će najkasnije u roku od 8 dana biti obaviješteni o nagradnom dobitku lično putem elektronske pošte na adresu koju su ostavili prilikom prijavljivanja za učešće u nagradnoj igri, kao i putem javne objave na zidu Facebook stranice Ytong BiH pozivom da se radi preuzimanja nagrade dobitnik lično obrati organizatoru putem privatne poruke, telefonski ili putem e-maila, a zavisno od online platforme na kojoj se igra organizuje, te vrste nagradne igre.

Član 17.

Preuzimanje nagrada

Preuzimanje nagrada će se vršiti slanjem iste na poštansku adresu ili ličnim preuzimanjem u predstavništvu „Xella BH“ u skladu sa dogovorom sa dobitnikom, u roku od 30 dana od dana prijema obavještenja o nagradnom dobitku.

Dobitnik je dužan da prilikom preuzimanja nagrade u svrhu utvrđivanja identiteta predoči važeću ličnu kartu ili drugi identifikacioni dokument izdat od strane nadležnog organa na osnovu kojeg se pouzdano može utvrditi njegov identitet. U slučaju dostavljanja nagrade putem pošte, dobitnik je dužan prije otpreme nagrade, putem elektronske pošte dostaviti skeniranu ličnu kartu ili drugi identifikacioni dokument na osnovu kojeg se pouzdano može utvrditi njegov identitet.

Ukoliko dobitniku ne bude bilo moguće uručiti nagradu iz razloga što je prilikom prijave za učešće naveo netačne podatke protivno članu 6. ovih Pravila, ili ako dobitnik u roku od 30 dana od dana obavještanja o dobitku ne preuzme nagradu, priređivač će dobitnika ponovo u roku od 8 dana obavijestiti o osvojenoj nagradi, te odrediti naknadi rok za preuzimanje nagrada koji ne može biti duži od 8 dana od dana prijema obavijesti.

Član 18.

Odabir zamjenskog dobitnika

Ako dobitnik iz bilo kojih drugih razloga koji se ne mogu staviti na teret „Xella BH“ ni u naknadnom roku ne preuzme nagradu, ta nagrada će se dodijeliti zamjenskom, odnosno prvom narednom dobitniku u skladu članom 13. ovih Pravila.

Član 19.

Obaveze dobitnika

Učestvovanjem u ovoj Nagradnoj igri učesnici u cjelosti prihvataju gore navedena pravila, te daju izričitu saglasnost:

- da se njihovi lični podaci koji su dostupni organizatoru čuvaju i obrađuju u skladu sa Zakonom o zaštiti ličnih podataka i da isti mogu biti korišteni u svrhu obezbjeđenja najkvalitetnije moguće usluge klijentima, realizacije Ugovora o osiguranju i ispunjavanja obaveza predviđenih važećim propisima, procjene reputacionog rizika, kontaktiranja rada i promocije proizvoda “Xella BH”,

razvoja novih proizvoda "Xella BH", za potrebe izvještavanja i upravljanja rizicima, za provođenje statističkih istraživanja i sprečavanja pranja novca i finansiranja terorističkih aktivnosti

- da se u slučaju dobitka na nagradnoj igri njihovo ime javno objavi u skladu sa ovim Pravilima,
- da se njihovi lični podaci: ime, prezime, te eventualno slika i video materijal kreirani u vezi sa Nagradnom igrom, mogu od strane Priređivača koristiti na način da se objave u štampanom, zvučnom, slikovnom i video materijalu.

Učesnici i dobitnici u ovoj nagradnoj igri saglasni su da je sav gore pomenuti materijal vlasništvo Priređivača, te se obavezuju da će se uzdržati od bilo kakvih postupaka prema Priređivaču po osnovu prava korišćenja i/ili vlasništva navedenog materijala.

Član 20. Mogućnost otkazivanja Nagradne igre

Organizator ima pravo da uz javno obavještanje jednostrano otkáže Nagradnu igru u bilo kojoj fazi ukoliko je došlo do događaja koji imaju karakter više sile.

Ako bi nastala neka od gore navedenih okolnosti dodjeljivanje i distribucija nagrada će biti odmah obustavljena jednostranom odlukom organizatora, te će organizator javno objaviti razloge koji su doveli do prekida izvlačenja i distribucije nagrada.

U slučaju otkazivanja ili prekida Nagradne igre neće se nadoknađivati troškovi ili eventualna šteta učesnicima u nagradnoj igri, niti će se nagradna igra održati.

U slučaju otkazivanja ili prekida Nagradne igre uslijed djelovanja okolnosti koje imaju karakter više sile, Priređivač je dužan nagradni fond prodati i sredstva ostvarena prodajom uplatiti ravnomjerno na račune humanitarnih organizacija iz člana 17. stav 1. Zakona o igrama na sreću FBiH.

Član 21. Nadležnost suda

U slučaju spora između „Xella BH“ i učesnika Nagradne igre, nadležan je opštinski sud u Tuzli.